



Qeqqata Kommunia
Postbox 1014
3911 Sisimiut
Att. Borgmester Hermann Berthelsen

Assartuussineq pillugu Isumalioqatigiissitamut allakkat ammasut pillugit

Asasara Hermann Berthelsen.

Assartuussineq pillugu Isumalioqatigiissitap isumaliutissiissutaa oqaaseqarfigalugu allakkarnut 11. maj 2011-meersunut qujanaq. Aallarniutigalugu erseqqissaatigissavara, isumaliutissiissutip Naalakkersuisunut tunniunneqarnerani Assartuussineq pillugu Isumalioqatigiissitap atorunnaarsinneqarmat, tamatumalu kingorna Isumalioqatigiissitap siulittaasuata Christen Sørensenip Assartuussineq pillugu Isumalioqatigiissitap misissueqqissaarnera pillugu saaffiginnissutit akissuteqarfigisarsimmagit. Allakkami matumani apeqqutit pingaarnerusut oqaaseqarfigissavakka, kiisalu isornartorsiunerit ataasiakkaat aalajangersimasut pillugit Christen Sørensen qinnuigaara oqaaseqaateqaqqullugu. Taakku allakkamut matumunnga ilanngunneqarpoq.

Assartuussineq pillugu Isumalioqatigiissitap atorunnaarsinneqareermat, apeqqutit ataasiakkaat allakkanni arlaleriarlutit kajumissaarutigisattut naatsorsuiffigineqaqqissanngillat. Kisiannili Assartuussineq pillugu Isumalioqatigiissitap naatsorsukkat annertuumik peqqissaarussimavai, aammalu minnerunngitsumik naatsorsuinermit tunngaviusut sapinngisamik paasinarnissaat, taamaalillunilu misissueqqissaarnerni ataasiakkaani inernerusunut tunngavigineqartut atuartumut erseqqinnissaat anguniarsimavaa. Matumani ilanngutissallugu pingaaruteqarpoq, Assartuussineq pillugu Isumalioqatigiissitap isumaliutissiisutaani tunngavigisatut atorneqartut sapinngisamik naatsorsukkanut suliarineqartunut tamanut assigiissinniarneqarsimmata. Taamaattumik misissueqqissaarnerni tamani malitat assigiipput, tamannalu pissutigalugu suliasat ataasiakkaat imminnut assersuunneqarsinnaapput.

Kisiannili misissueqqissaarnerit ataasiakkaat apeqquserneqarsinnaammata, aammalu atuartutut tunngavissatut saqqummiunneqartut isumaqatigineqanngitsoorsinnaammata Assartuussineq pillugu Isumalioqatigiissitap ilisimaarilluarpaa. Taamaattumik regnearkimik suliaqartoqarpoq, taamaalillunilu tunngavissat ataasiakkaat tunngavigalugit suliani ataasiakkaani sapinngisamik nammineerluni naatsorsuisoqarsinnaavoq. Regneark-it taakku qanittukkat Assartuussineq pillugu Isumalioqatigiissitap nittartagaani takuneqarsinnaalissapput, uani: www.transportkommissionen.gl. Kisiannili tamatumunnga atatillugu erseqqissassallugu pingaaruteqarpoq, inerniliinerni ataasiakkaani arlalinni naatsorsukkat pisariusut arlallit tunuliaqutarineqarmata, taakkulu tamakkerlutik regneark-imut pissarsiariuminartumut ikkussuunneqarsinnaasimangillat.

Taamatut oqareerlunga ilassutigissavara, allaffeqarfiga naatsorsueqqinnermik allamik ataatsimik aallartitseqqullugu qinnuigisimagakku. Taanna Imarpik qulaallugu timmisartunut mittarfissap Nuummuk imaluunniit Kangerlussuarmut inissinneqarsinnaaneranut atasuvoq. Tassani Kangerlussuaq nunaqarfittut pigiinnarlugu, nunap immikkoortuani

23. august 2011
Sagsnr. 2011-049550
Dok. Nr. 702946

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

mittarfeqartillugu, kisiannili mittarfik pingaarneq Nuummur nuullugu tunngavissamik amigaaqartoqartoq isumaqataavunga.

Kangerlussuaq eqqartorneqartillugu erseqqissaatigineqassaaq, ataatsimoortumik tapiisutit atornerarnerat pillugu Naalagaaffiup tungaaniit killilersuutissanik Kalaallit Nunaanut peqqusisoqarsimanngimmat. Namminersornerullutik Oqartussat siusinnerusukkut ukiumut 60 mio. koruunit missaannik, ilaatigut immikkut aningaasartuutitut, siusinnerusukkut Naalagaaffimmit aamma US Air Force-mit akilernerqartarsimasunut matusissutissanik, ilaatigullu Kangerlussuarmi inuttat ikilinerat pissutigalugu akileraarutitigut isertitassanut annaasanut matussutissanik aningaasaqarnikkut taarsiiffigineqartarsimammata ilumoorpoq. Tunngaviummik isigalugu tassani Kalaallit Nunaata Imapik ikaarlugu timmisartunut mittarfiup ingerlanneqarneranik tigusera, tamatumunngalu taarsiiffigineqarnera pineqarpoq. Kisiannili ataatsimoorussamik tapiissutini immikkoortut allat tamaasa assigalugit tassani pituttuisoqanngilaq. US Air Force-mut tunngatillugu isumaqatigiisummut tunngaviusut kingunerisaannik mittarfik atuukkallartillugu atuisinnaatitaapput, tamatumunnga atatillugu aningaasartuutit tamaasa (mittarfimmut akitsuutit, timmisartunut oqquisitsisarfiit il.il.) nammineerlutik akilersinnaagunikkit. Tassalu Kangerlussuarmi mittarfiup ingerlaannarnissaa eqqarsaatigalugu US Air Force-mut isumaqatigiisummi pituttuisoqanngilaq.

Quppernermi 306-imi containerit amerlassutsimikkut ineriartornerannut oqaaseqaat eqqarsaatigalugu, Sisimiut immikkoortumi tassani ilaatinneqartariaqarsimagaluarnerat ilumoorpoq. Tamanna Assartuussineq pillugu Isumalioqatigiissitap nittartagaani, taamatullu isumaliutissiissutit naqinnerani, Inatsisartut ukiakkut ataatsimiinneranni agguanneqarnissaminut piareertussatut naatsorsuutigineqartumi iluarsineqassaaq.

Naggasiutigalugu erseqqissaatigineqassaaq, Naalakkersuisut Assartuussineq pillugu Isumalioqatigiissitap katitigaanerani sukkulluunniit najukkani eqqarsaatigisassat, Nuummur sumiiffimmulluunniit allanut iluaqutaasinnaasut ilaatissimanngimmagit. Isumalioqatigiissitami ilaasortat ataasiakkaat suliatigut piginnaaneqarnertik taamaallat tunngavigalugu toqqagaapput. Taamatuttaaq attuumassuteqanngitsutut inuiaqatigiit aningaasaqarnerannik misissueqqissaaqqullugu Assartuussineq pillugu Isumalioqatigiissitap qinnuigineqarpoq. Tassalu misissueqqissaarnerit ilaat aalajangersimasumik sammiveqartinneqassasut Naalakkersuisut tungaaniit kissaatigineqarluni oqaatigineqarsimanngilaq.

Neriuppunga matuma siuliani allasimasut, kiisalu matuma kinguliani Christen Sørensenip ilanngussaata allakkatit 11. maj 2011-meersut naammaginnartumik akissuteqarfigisimassagaat.

Inussiarnersumik inuulluaqqusillunga

Jens B. Frederiksen

Ilanngussaq 1. Christen Sørensenip, Assartuussineq pillugu Isumalioqatigiissitap siulittaasuata akissuteqaataa

